

Inque Valentinum Glegonem Poarutius hastam  
 Per scapulas misit levam feriendo papillam,  
 Trajectumque virum medio prostravit in agro.  
 Pharion Hispanus Guinacelli sternitur ictu  
 Dum cadit . . . ruit inter loca fugacis  
 Cujus Saltarus trajecerat ilia virga,  
 Quando duos pariter fixit jaculando nigellos.  
 Gerard proles Opizo cum pube suorum  
 Invadens aciem, satagit prosternere Mauros.  
 Gaufrerus Parthum, Raynerus proterit Afrum,  
 Confortesque necis fecit germanus uterque.  
 Marinalnus hic Bernardus Illoea letho  
 Donat, transfigens cadenti cuspidē costas.  
 Cuspide Silleti dirus prosternitur Olphes,  
 Guirnius Alcheon, sternit Mauretus Edonem.  
 Undique discurrens rector Catalanicus hostes  
 Dissipat, & focios hortatu divite firmans.  
 Ampuriæ fortes equites, & Rusilienfes  
 Subsidiando duci, dant plurima funera Mauris.  
 At Petri Grossi dejecerat hasta Coracem,  
 Cujus promptus equus multos patraverat actus;  
 Sed jugulare virum cum jam mucrone parasset,  
 Currentes Mauri focium de cæde tulerunt.  
 Signifer Alphæus medios violentus in hostes  
 Currit, & exacuens fortes in bella fodales,  
 Ut reliquas prosternit aves Regina volucrum,  
 Sic sic hostiles terit insiftendo phalanges.  
 Barbarici statim cunei turbantur, & inde  
 Conversi fugiunt, Pisani terga sequentes  
 Urbanas inter propellunt agmina portas.  
 Innumeri capiuntur equi, capiuntur & arma,  
 Et fusi per rura lacus jacere cruribus.  
 Altius ascendens Phæbus contraxerat umbras,  
 Ad sua victrices redeunt tentoria turmæ.  
 Bellica per campos Balæ jam facta patebant,  
 Extinctosque viros suos spectare per herbam  
 Barbaricus populus simul & Pisana volebant.  
 Agmina, legati veniebant atque redibant.  
 Accipitres, vestes, privataque dona dabantur  
 His, quibus Ampuriæ Comes hæc tribuenda mo-  
 nebat.  
 Vendita fit pietas, tunc multum devius hero  
 Regi transmittit chartas, recipitque latenter  
 Hujus scripturas, quæ rescribuntur ad ipsum.  
 Pestifer interea dum fœdera quæreret hostis,  
 Quos divinus amor, non præda, nec ulla simulas,  
 Sed Christi pietas ad iusta vocaverat arma,  
 Captivos omnes sub conditione volebant.  
 Nazaceoelus certa sine lege paratus  
 Reddere non fuerat, nexuque, fameque coactos  
 Carceribus dissentens attenuando necabat,  
 Ac Pharaonæos retinens in mente furores,  
 Quæ spondebat heri, cras insidiando vetabat:  
 Utque dolosa vident patres collucia Regis  
 Solantur populum, populus solamine gaudet.  
 Dum trunare novos nituntur pectore sensus,  
 Mox recollitque dies, nam præterit unus & alter,  
 Castraque paulatim mutata propinquis extant  
 Mœnibus, ac creber procedit ab urbe tumultus,  
 Optime Dalmati, quem tu non lentus adibas,  
 Nam crebro factæ pugna non tardus adese  
 Cerneris, in tantum pugna tibi suppetit ardor.  
 Ergo die quadam paucis comitantibus hostes  
 Corde volente petens, focis absistere iussis,  
 Cum geminis solus vadis contendere Mauris.  
 Viribus ergo tuis prostratus corrui unus,  
 Alterius mox dextra tibi penetrabile scutum  
 Transfigit, mediam penetrat quoque lancea coxã  
 Qua patet, & miles non loricated, inermis,  
 Stratus equo pugnare paras, sed vulnere factus  
 Debilis, innumeros equites sine lege ruentes  
 Decidis excipiens, feriens te barbarus ensis  
 Decapitat, felix transmigrat ad æthera flatus:  
 Talia bellipotens ut concipit aure Vilelmus,

A Dat lacrymas, tristefque viri de funere questus  
 Profundit, nec ad ista vacat, sed clamat ad arma,  
 Ulciscique necem jugulati currit amici.  
 Heroem centum sectantur ob arma micantes,  
 Qui promptos gestare solent ad bella vigores.  
 Accelerat, campumque petit, sua mœnia Mauri  
 Ista meditates properatis gressibus intrant.  
 Militis acquirit, vindex modo cum nequit esse,  
 Gothica turba caput. Mutato denique Mauro  
 Ante diem Domini semper quæ proxima fulget  
 Lux rediit, qua tempus erat sine turbine clarum,  
 Jamque sui cursus nonam perfecerat horam  
 Phœbus, cum fortes redeunt ad prælia Mauri,  
 Christicolæque putant ad castra requirere tantum  
 In numero fidorum equitum peditumque potentes;  
 B At cauti pedites currunt latenter ad arma  
 Pisani, visosque petunt non segniter hostes.  
 Spicula, tela simul, lapidesque venire per agros,  
 Et pluviam ritu poterat spectare sagittas.  
 Pugnae sævit amor, Pisani robur abundat,  
 Dumque ferunt ictus, dum totis viribus instant,  
 Ismaelitarum cuneos in mœnia mittunt,  
 Et certant summum robur prosternere valli.  
 Calcato equites subeuntes limina portæ  
 Transodiunt, & equos fortes durantibus hastis,  
 Summaque projiciunt murorum, nec secus ipsas  
 Concutiunt portas, funduntque viriliter hostes.  
 Denique conspiciunt geminæ fundamina fossæ  
 Mirantes muros, & defenacula circum  
 (Discrepat à visu quicquid pervenit ad aures)  
 C Urbis, multorum subit in præcordia terror.  
 Diffidunt igitur multi, tremulumque revolvunt  
 Ore silente caput, tanto pro robore fortes  
 Ipsi desperant urbem superare potentem.  
 Tres fuerant urbes, unum quæ nomen habebant.  
 Sed diversa tamen si nomina quæris earum,  
 Nomine diverso poteris quamcumque notare.  
 Arabathalgidit murus fabricatus ab ipsa  
 Incipiens urbis corpus circumdat, & undas  
 Equoris attingens: mare juxta volvitur illuc,  
 Quò densat cellas urbs Elmodenia turres.  
 Dividit has murus, circumdatur una duabus,  
 Quas circum aecies cubitorum millia cingunt.  
 Hoc numero demptis ter ternis atque duobus  
 In numero certo turres sunt sorte volenti  
 Quatuor & decies septem centumque notandæ.  
 D Hæ tres una queunt urbs famosissima dici.  
 Est commune tribus positum Majorica nomen,  
 Inter quas etiam torrens placidissimus ivit,  
 Et per quinque queunt torrentis viscera pontes  
 Transiri, liquidæ cum plus fiuit impetus undæ,  
 Ezechinque vocant: quæ plenius affluit amnem  
 Dicitur Enelamur præducta canalibus unda,  
 Quæ potanda viris culces dabat omnibus hautus  
 Indigenis populis; & ob auctas fortiter artes  
 Mœnia tuta forent, si contemnenda malorum  
 Tam sceleratorum Deus agmina vellet amare.  
 In populi numero non debet fidere quisquam,  
 Qui Dominum contra sublimes erigit arces.  
 E Hincque Boabitas rector Balearis ad arma,  
 Et Getulos, Arabes, Parthos, Libycosque, Medosque,  
 Nec non Hispanos multo conduxerat auro,  
 Et dedit immensum, non intentata relinquens  
 Per quæ tota dari patriæ solatia possent.  
 Ergo pugnantum tractare viriliter arma  
 Qui poterant, sibi sexaginta millia, vel plus  
 Est; equites perhibentur ei ter mille fuisse,  
 Et centena dabat prægrandes machina moles;  
 Mille quater ductus numerus fuit arcitenentum,  
 Figere qui poterant missis loca certa sagittis.  
 Fundibulatorum præ multitudine certus  
 Non fuerat numerus, sic nec lapides jacentium.